



MEMORIA XUSTIFICATIVA

CONVENIO DE COLABORACIÓN ENTRE A VICEPRESIDENCIA PRIMEIRA E CONSELLERÍA DE PRESIDENCIA, XUSTIZA E DEPORTES E A ASOCIACIÓN DE CANS DE SALVAMENTO DE GALICIA "CASAGA" EN MATERIA DE PROTECCIÓN CIVIL

A Vicepresidencia Primeira e Consellería de Presidencia, Xustiza e Deportes, a través da Dirección Xeral de Emerxencias e Interior, é o departamento encargado de xestionar as competencias atribuídas á Comunidade Autónoma de Galicia, en materia de protección civil, segundo o disposto no Decreto 144/2023, do 9 de novembro, polo que se modifica o Decreto 117/2022, do 23 de xuño, que determina que no Decreto 59/2023, do 14 de xuño, polo que se establece a estrutura orgánica da Xunta de Galicia, a Vicepresidencia Segunda e Consellería de Presidencia, Xustiza e Deportes pasa a denominarse Vicepresidencia Primeira e Consellería de Presidencia, Xustiza e Deportes.

O artigo 24 do Decreto 56/2000, do 3 de marzo (DOG nº 62, do 29 de marzo de 2000), modificado polo Decreto 109/2004, do 27 de maio (DOG nº 108, do 7 de xuño de 2004), polo que se aproban as medidas de coordinación da protección civil no ámbito da Comunidade Autónoma de Galicia, establece que a Xunta de Galicia poderá asinar convenios de colaboración con entidades públicas e privadas.

Os artigos 5.3 e 47.2 da Lei 5/2007 de emerxencias de Galicia, regulan que a Xunta de Galicia poderá subscribir convenios de colaboración con entidades públicas ou privadas co fin de facilitar a colaboración das mesmas na xestión de riscos e de emerxencias.

Antecedentes:

Entre os medios e recursos mobilizables pola Vicepresidencia Primeira e Consellería de Presidencia, Xustiza e Deportes, é conveniente contar en determinados momentos con medios alleos, ademais dos propios, co fin de optimizar recursos e orzamentos, mellorando a planificación e intervención nas emerxencias ordinarias e extraordinarias que poidan darse na nosa comunidade.

A Asociación de Cans de Salvamento de Galicia (CASAGA), conta cun grupo coa capacitación técnica e estrutura organizativa necesarias, adquiridas ao longo destes anos de colaboración coas autoridades de protección civil da nosa comunidade, o que nos permite dispoñer dun recurso necesario para dar unha resposta na busca e rescate de persoas desaparecidas.

Finalidade:

Para os efectos sinalados, tense previsto formalizar coa Asociación de Cans de Salvamento de Galicia "CASAGA" o convenio arriba referido por un período de vixencia que abrangue dende o momento da súa sinatura ata o 31 de decembro de 2024.

O obxecto do presente convenio é establecer as bases para a colaboración entre a Vicepresidencia Primeira e Consellería de Presidencia, Xustiza e Deportes, a través da Dirección Xeral de Emerxencias e Interior, e a Asociación Cans de Salvamento de Galicia "CASAGA", para colaborar no financiamento das actuacións de apoio, que esta última pode aportar á acción permanente dos órganos e autoridades con competencia en materia de protección civil, na busca e rescate de persoas, empregando os recursos da propia asociación, fundamentalmente os equipos de busca e





rescate de persoas desaparecidas, en determinadas situacións de emerxencia que se orixinen no ámbito da Comunidade Autónoma de Galicia.

Dado que estas funcións especializadas son exercidas por CASAGA de forma exclusiva no territorio norte da provincia de Coruña e provincia de Lugo, non poden aplicarse os principios de publicidade e concorrência pública, de acordo co establecido no artigo 26.2 de la Lei 9/2007 do 13 de xuño, de subvencións de Galicia.

A Vicepresidencia Primeira e Consellería de Presidencia, Xustiza e Deportes, a través da Dirección Xeral de Emerxencias e Interior, colaborará no financiamento dos custos que xeren as actividades obxecto do presente convenio, con cargo á aplicación orzamentaria 05.06.212A.640.00 e código de proxecto 2015 00122 dos orzamentos do ano 2024, por un importe de dezasete mil euros (17.000 €).

A Territorialidade do gasto no ano 2024 é $1.123.426 + 323.956 = 1.447.382$ – Toda a provincia de A Coruña e Lugo

A evolución do gasto respecto do de anos anteriores sufriu un lixeiro incremento debido á propia actualización de prezos e aos gastos derivados dos propios medios e recursos empregados pola Asociación de Cans de Salvamento de Galicia CASAGA, tal como se pode comprobar no seguinte cadro:

ANOS	Ano 2022	Ano 2023	Ano 2024
IMPORTE (€)	15.000 €	17.000 €	17.000 €

Estímase que esta actuación é coherente co Plan Estratéxico de Galicia 2022-2030, correspondéndose co seu:

E2 EIXE 2. GALICIA VERDE E SOSTIBLE

Prioridade de actuación: PA03 – Garantir unha resposta integral ás necesidades da cidadanía en materia de emerxencias, incluídos os efectos do cambio climático.

E01 Fortalecer unha resposta integral ás necesidades da cidadanía en materia de emerxencias, protección civil e seguridade pública, así como a resiliencia fronte aos riscos relacionados co clima e os desastres naturais.

OI01 Actuacións de soporte e apoio. Gastos de funcionamento

Unha vez consultada a pantalla de indicadores de proxectos do sistema contable XUMCO2, constátase que o indicador de seguimento para o proxecto 2015 00122 "Outras actuacións en materia de protección Civil" é o D0E005 "Poboación beneficiada pola actuación" e P00066 "Convenios asinados" cuns valores previstos de:

D0E005- 2.690.464

P00066 - 3





O **orçamento estimado desagregado** de todas as actuacións previstas neste convenio é:

Asistencia a actividades de formación, adestramento e divulgación	3.400 €
Manutención, desprazamentos aloxamento de equipos caninos	3.400 €
Seguros, gastos de atención veterinaria	4.400 €
Gastos de vestimenta e material funxible	2.400 €
Apartado de imprevistos	3.400 €
Total:	17.000 €

Polo exposto, considérase xustificada a utilización do instrumento do convenio para articular as actuacións de referencia, quedando o citado instrumento convencional fóra do ámbito de aplicación da Lei 9/2017, de 8 de novembro, de contratos do sector público, pola que se traspoñen ao ordenamento xurídico español as Directivas do Parlamento Europeo e do Consello 2014/23/UE, de 26 de febreiro de 2014, segundo especifica o seu artigo 4, ao non previsto aplicaráselle os principios recollidos no citado texto, co fin de resolver dúbidas e omisións que puidesen presentarse.

O director xeral de Emerxencias e Interior
Santiago Villanueva Álvarez

